



Sakspapir

Saksbehandler	Arkiv	ArkivsakID
Signe Råheim		18/370

Saksnr	Utvalg	Type	Dato
053/18	Kommunestyret	PS	25.09.2018

Framdriftsplan ny rådmann

Saksutgreiing:

Bakgrunn

Kommunestyret den 28.06.2018 gjorde følgjande vedtak: Kommunestyret vedtek at det vert sett ned ei arbeidsgruppe frå formannskapet samt ein representant frå dei uavhengige og to frå dei tillitsvalde til å styre prosessen fram til tilsetjing av ny rådmann i Fedje kommune. Gruppa skal i kommunestyremøte 25.september 2018 leggja fram ein plan for framdrift i saka. Det fell naturleg at ordføraren vert leiar for gruppa. Vedtaket vart vedteke mot Ap sine tre røyster.

Vurdering

Gruppa hadde sitt første møte den 12.september 2018. der ble det vedtatt ein framdriftsplan.

1. Det er ønskeleg, av fleire grunnar, å få innspel frå så mange som råd, om kva kvalifikasjonar me forventar å finna hjå kandidatane, og som skal leggjast vekt på i utlysninga. Det vert difor lagt opp til at partigrupper, Næringsrådet, Ungdomsrådet, Eldrerådet, dei tilsette gjennom sine organisasjonar og på personalmøte, snakkar om og kjem med innspel. Alle innspela skal inn til arbeidsgruppa innan medio november og vil seinare vera grunnlag for utarbeiding av utlysningstekst og kriterier for tilsetjing.
2. Gruppa var samde om å gjera avtale med eit byrå for å få hjelp i den vidare prosessen. Frå november startar arbeidet med å finna aktuelle byrå som kan inviterast til å gje oss anbod på den hjelpa me treng. Det går tid med å velja ut dei aktuelle byråa. Dei igjen treng tid (4 veker?) til å laga anbodet. Men me tek sikte på å skriva kontrakt med byrået i januar.
3. Utlysning i media i februar.
4. Søknadsfrist i mars.
5. Utveljingsprosessen tek erfaringsmessig ein del tid, t.d. kan det verta behov for 2.gongs utlysning.
6. Tilsetjinga bør skje på kommunestyret sitt møte i juni.

Forslag til vedtak:

Kommunestyret tek framdriftsplanen til orientering.



Fedje kommune

Kommunestyret - 053/18

K - behandling:

Tilleggsframlegg frå Kristin Aase(Ap):

Arbeidsgruppa orienterer i kommunestyret etter kvart møte.

K - vedtak:

Kommunestyret tek framdriftsplanen til orientering. Arbeidsgruppa orienterer i kommunestyret etter kvart møte.

Vedteke med 13 røyster mot 1 røyst. Erling Walderhaug (H) røysta mot framlegget.